



## Aruba su prome korpschef Roland Peterson a bay sosega

Posted on 12/11/2017 9:23 am AST | Updated on 12/11/2017 3:35 pm AST

ORANJESTAD – E prome Alto Comisario di pais Aruba, Roland W. Peterson (76) a bay sosega. NoticiaCla a ricibi e tristo noticia dialuna mainta di e fayecimento di sr Peterson. Tabata na 1986 despues cu Aruba a haya su Status Aparte, cu Peterson a haya e tarea pa lanta e prome cuerpo policial di pais Aruba. Na 1989 el a bira director di Dienst Openbare Orde en Veiligheid (DOOV). E tabata representante di Interpol na Aruba y tambe e presidente di e comision tecnico pa Caribe y Centro America pa Interpol. Pa un tempo e tabata presidente di San Nicolas Business Association. Pa loke ta condecoracion, Peterson a keda condecora na 1989 como y despues na 1995 como . Sr Peterson tabata hopi conoci como autor di buki pa mucha, poesia y articulo pa revista y corant. NoticiaCla ta manda palabra di pesame na e famianan di Roland Peterson.